

重刊巢氏諸病源候總論卷三十一

癭瘤等病諸候 凡十五論

癭候

癭者由憂恚氣結所生亦曰飲沙冰沙隨氣入於脈搏頸下而成之初作與癭核相似而當頸下也皮寬不急垂槌槌然是也恚氣結成癭者但垂核槌槌無脈也飲沙水成癭者有核癭癭無根浮動在皮中又云有三種癭有血癭可破之有息肉癭可割之有氣癭可具針之養生方云諸山水黑土中出泉流者不可久居常食令人作癭病動氣增患

瘤候

瘤者皮中忽腫起初梅李大漸長大不痛不痒又不結強言瘤結不散謂之為瘤不治乃至壘大則不復消不能殺人亦慎不可輒破

腦濕候

腦濕謂頭上忽生肉如角謂之腦濕言腦濕氣濕蒸衝擊所生也

黑痣候

黑痣者風邪搏於血氣變化生也夫人血氣充盛則皮膚潤悅不生疵瑕若虛損則黑痣變生然黑痣者是風邪變其血氣所生也若生而有之者非藥可治面及體生黑點為黑痣亦云黑子

赤疵候

面及身體皮肉變赤與肉色不同或如手大或如錢大亦無痒痛謂之赤疵此亦是風邪搏於皮膚血氣不和所生也

白癩候

白癩者面及頸項身體皮肉色變白與肉色不同亦不痒痛謂之白癩此亦是風邪搏於皮膚血氣不和所生也

癰瘍候

癰瘍者人頸邊有胸前掖下自然斑剝點相連色微白而圓亦有烏色者亦無痛痒謂之癰瘍風此亦是風邪搏於皮膚血氣不和所生也

疣目候

疣目者人手足邊忽生如豆或如結筋或五個或十個相連肌裏粗強於血謂之疣目此亦是風邪搏於肌肉而變生也

鼠乳候

鼠乳者身面忽生肉如鼠乳之狀謂之鼠乳也此亦是風邪搏於肌肉而變生也

多忘候

多忘者心虛也心主血脈而藏於神若風邪乘於血氣使陰陽不和時相并隔乍虛乍實血氣

相亂致心神虛損而多忘

養生方云丈夫頭勿北首臥神魂不安多愁忘

嗜眠候

嗜眠者由人有腸胃大皮膚澀者則令分肉不開解其氣行則於陰而遲留其陽氣不精神明爽昏塞故令嗜眠其湯熨針石別有正方補養宣導今附於後

養生方導引法云踞踞交兩手內並脚中入且兩手急引之愈久寐精氣不明交脚踞踞凡故言踞踞以兩手從內屈脚中入左手從右踞踞上入左足隨孔下右手從左足踞踞上入右足隨孔下出抱兩脚急引兩手極引二通愈久寐精神不明久行則不唾長精明

又云一手拓頰向上極勢一手向後長舒急努四方顯乎當一時俱極勢四七左右換手皆然拓頰手兩向共頭欹側 身二七去臂轉風眠睡尋用永吉日康

鼾眠候

鼾眠者眠裏喉咽間有聲也人喉嚨氣上下也氣血若調雖寤寐不妨宣暢氣有不和則衝擊喉咽而作聲也其有肥人眠作聲者但肥人氣血沉厚迫隘喉間澀而不利亦作聲

體臭候

人有體氣不和使精液雜穢故令身體臭也其湯熨針石別有正方補養宣導今附於後養生方云以手掩口鼻臨目微氣久許時手中生液速以手摩面目常行之使人體香

狐臭候

人腋下臭如葱豉之氣者亦言如狐狸之氣者故謂之狐臭此皆血氣不和蘊積故氣臭

漏腋候

腋下常濕仍臭生瘡謂之漏腋此亦是血氣不和為風邪所搏津液蘊瘀故令濕臭

丹毒病諸候

凡十三論

丹候

丹者人身體忽然焮赤如丹塗之狀故謂之丹或發手足或發腹上如手掌大皆風熱惡毒所為重者亦有疽之類不急治則痛不可堪久乃壞爛去膿血數升若發於節間便入腸則殺人小兒得之最忌

白丹候

白丹者初發痒痛微虛腫如吹軫軫起不痛不赤而白色由挾風冷故使色白也

黑丹候

黑丹者初發亦痒痛或燥腫起微黑色由挾風冷故色黑也

赤丹候

赤丹者初發軫起大者如連錢小者如麻豆肉上粟如鷄冠肌理由風毒之腫故使赤也亦名

菜萸丹

丹軫候

丹軫者肉色不變又不熱但起隱軫相連而微痒故謂為丹軫也

室火丹候

室火丹候初發時必在腓腸如指大長三二寸瘦色赤而熱是也

天竈火丹候

天竈火丹發時必在於兩股裏漸引至陰頭而赤腫是也

廢竈火丹候

廢竈火丹發時必在足趺上而皮色赤者是也

尿竈火丹候

尿竈火丹發於胸腹及臍連陰頭皆亦是也

燍火丹候

燍火丹者發於臂亦在於背皮色赤是也

癘火丹候

癘火丹者發於脾而散走無常處著皮赤是也

螢火丹候

螢火丹者發於轉至脅皮赤是也

石火丹候

石火丹者發通身似纈目突如粟是也皮色青黑

腫病諸候

凡十七論

諸腫候

腫之生也皆由風邪寒熱毒氣客於經絡使血澀不通壅結皆成腫也其風邪不作者腫無頭無根浮在皮上如吹之狀也不赤不痛或腫或散不常腫其寒氣與血相搏作者有頭有根色赤腫痛其熱毒作者亦無正頭但急腫久不消熱氣結盛壅則為膿其候非一故謂之諸腫

風腫候

凡人忽發腫或著四支或在胸背或著頭項水牢如畔大虛腫回回如吹之狀不痛不赤著四支者乃欲不遂令人煩滿短氣身體寒冷皆由冬月遇溫風入人肌裏至春復適大寒風不得出氣壅肌間不自覺至夏取風涼濕氣聚不散而成腫久不瘥氣結盛生熱乃化為膿血並皆爛敗則殺人右手關上脈浮而虛者病腫

卒風腫候

人卒有腫不痛不赤移無常處而兼痒由先無患偶腠理虛而逢風所作也

風毒腫候

風毒腫者其先赤痛臄熱腫上生瘰癧如火灼是也

毒腫候

毒腫之候與風腫不殊時令人吐熱其邪毒甚者入腹殺人

毒腫入腹候

此候與前毒腫不殊但言腫熱不盛入腹故也毒入腹之時先令人勑雷惡寒心煩悶而嘔逆氣急而腹滿如此者殺人

惡核腫候

惡核者內裏忽有核累累如梅李小如豆粒皮肉燥痛左右走身中卒然而起此風邪挾毒所成其亦似射工毒初得無常處多惻惻痛不即治毒入腹煩悶惡寒即殺人久不瘥則變作癰腫核候

凡腫挾風冷則不消而結成核也

氣腫候

氣腫者其狀如癰無頭虛腫色不變皮上急痛手繞著便即痛此風邪搏於氣所生也

氣痛候

人身忽然有一處痛如打不可堪耐亦乍走身間發作有時痛發則小熱痛靜便如水霜所加故云氣痛亦由體虛受風邪所侵遇寒氣而折之邪氣不出故

惡脈候

惡脈者身裏忽有赤絡脈起龍從聚如死蚯蚓狀看如似有水在脈中長短皆逐其絡脈所生是也由春冬受惡寒入絡脈中其血瘀結所生久不瘥緣脈結而成癭

惡肉候

惡肉者身裏忽有肉如小豆突出細細長乃如牛馬乳亦如雞冠之狀不痒不痛久不治長不已由春冬被惡風所傷風入肌肉結瘀血積而生也

腫有膿使潰候

腫壯熱結成此血化為膿若不早出膿膿食筋爛骨則不可治也

膿潰後候

凡癰腫既潰訖膿汁須及時而盡若汁不盡還復結腫如初腫之候無異即稍難治

遊腫候

遊腫之候青黃赤白无復定色遊走皮膚之間肉上微光是也

日遊腫候

日遊腫其候與前遊腫相似但手近之微痛如復小痒為異世言犯觸日遊神之所作

流腫候

流腫凡有兩候有熱有冷冷腫者其痛隱隱然沈深著臂髓在背上則腫起憑憑然而急痛若手按及針灸之即腫起是也熱腫者四肢熱如火炙之狀移無常處或如手或如盤著背腹是

劇則皆熱如火遍身熠熠然五心煩熱唇口乾燥如注之狀此皆風邪搏血氣所生以移其無常處故謂流腫

丁瘡病諸候

凡十三論

丁瘡候

丁瘡者風邪毒氣於肌肉所生也凡有十種一者瘡頭烏而強凹二者瘡頭白而腫實三者瘡頭如豆望色四者瘡似葩紅色五者瘡頭內有黑脈六者瘡頭赤紅而浮虛七者瘡頭葩而黃八者瘡頭如金薄九者瘡頭如茱萸十者瘡頭如石榴子亦有初如風軫氣播破青黃汗出裏有赤黑脈而小腫亦有全不令人知忽以衣物觸及摸著則痛若故取便不知處亦有肉突起如魚眼之狀赤黑慘痛徹骨久結皆變至爛成瘡瘡下深孔如大針穿之狀初作時突起如丁蓋故謂之丁瘡令人惡寒四皮強痛兼切切然牽痛一二日瘡便變焦黑色腫大光起根鞣強全不得近酸痛皆其候也在手足頸面骨節間者最急其餘處則可也毒入腹則煩悶恍惚不佳或如醉患此者三二日便死養生方云人汗入諸食內食之作丁瘡

雄丁瘡候

雄丁瘡者大如錢孔烏鱗似灸瘡四畔泡漿色赤又有赤粟乃言瘡而不腫刺之不痛而兼熱者名為雄丁瘡

雌丁瘡候

雌丁瘡者頭小黃向裏靨亦似兔瘡四畔泡漿外赤如火如錢孔而多汁腫而不痛瘡內有十字
畫而兼冷者謂之雌丁瘡

紫色火赤丁瘡候

此瘡色紫赤如火之色即謂紫色火赤丁瘡也

牛丁瘡候

牛丁瘡皮色不異但腫而頭黑挑之黃水出四邊赤似茱萸房者名為牛丁瘡也

魚臍丁瘡候

此瘡頭黑深破之黃水出四畔浮漿起狹長似魚臍故謂之魚臍丁瘡

赤根丁瘡候

瘡形狀如赤豆或生腋下如鴨子大者世人不識但見其赤即謂之赤根丁瘡

犯丁瘡候

犯丁瘡謂丁瘡欲瘥更犯觸之若大噴及食豬魚麻子并狐臭人氣熏之皆能觸犯之則更極
乃甚於初更令熱焮腫先寒後熱四支沉重頭痛心驚嘔逆煩悶則不可治

丁瘡腫候

丁瘡腫謂此瘡熱氣乘之與寒搏毒相搏而成腫

犯丁瘡腫候

犯丁瘡腫謂瘡腫欲瘥更犯觸之瘡勢轉劇乃甚於初或腫熱疼掣或心悶恍惚或四支沉重或嘔逆煩心此皆犯瘡之候多能殺人

丁腫候

此猶是丁瘡而帶焮腫而無根者也

丁瘡久不瘥候

瘡久不瘥謂此丁瘡膿汁不止亦平陷不滿皆由過冷所作也

犯丁瘡候

犯丁腫謂病丁腫而或飲食或居處觸犯之令腫增極也

重刊巢氏諸病候總論卷三十一終



元五價冊大三

古錢譜
今每部四冊定價元

一〇の平五子



金石索
精裝二十二冊
外加大中楠木箱
定價二十元

近世名人書畫真蹟

每集定價七角

唐著寫信必讀
六本
二角
商學界尺牘新編
二本
二角

詩法入門
每部二本
定價四角

百首
二本
二角

西湖佳話
四冊
二角

宋元明
對類引端
每冊一角

讀史論略
每部二冊
一本一角五分

賦學入門
每冊四角

楹聯彙編

每部八冊
定價三角

快雪堂法帖
每部四本
一元二角
正草千字文
每本二角
正草習字帖
每本三角

重刊巢氏諸病源候總論卷三十二

癰疽病諸候上

九十六論

癰候

癰者由六府不和所生也六府主表氣行經絡而浮若喜怒不測飲食不節陰陽不調則六府不和榮衛虛者腠理則開寒客於經絡之間經絡為寒所折則榮衛稽留於脈榮者血也衛者氣也榮血得寒則澀而不行衛氣從之與寒相搏亦壅遏不通氣者陽也陽氣蘊積則生於熱寒熱不散故聚積成癰府氣浮行主表故癰浮淺皮薄以澤夕則熱勝於寒熱氣蘊積傷肉而敗肌故血肉腐壞化而為膿其患在表浮淺則骨髓不焦枯府藏不傷敗故可治而愈也又少苦消渴年四十已外多發癰疽所以然者體虛熱而榮衛否澀故也有鬲疾而渴者年盛必作黃疸此脾胃虛熱故也年衰亦發癰疼府藏虛熱血氣否澀故也又腫一寸至二寸瘡也二寸至五寸癰也五寸至一尺癰疽也一尺至三尺者名曰竟體癰癰成九數皆出諸氣憤鬱不遂志欲者血氣畜積多發此疾診其寸口脈外結者癰腫腎脈澹甚為大癰脈滑而數滑即為實數即為熱滑即為榮數即為衛榮衛相逢則結為癰熱之所過即為膿也脈弱而數者此為戰寒必發癰腫脈浮而數身體無熱其形默默者胃中微躁不知痛所在此主當發癰腫脈來細而沈時直者身有癰腫若腹中有伏梁脈肺肝俱到即發癰疽四支沈重肺脈多即死凡癰疽脈洪麤難治脈微澀者易愈諸浮數之脈應當發熱而反沈漸惡寒若痛處當有癰也此或附

骨有膿也脈弦洪相薄外內急熱故欲發癰疽凡發癰腫高者疹源淺腫下者疹源深大熱者易治小熱者難治初便大痛傷肌晚乃大痛傷骨諸癰發於節者不可治也發於陽者百日死發於陰者四十日死也尻太陽脈有腫癰在足心少陽脈八日死發膿血八十日死頭陽明脈有腫癰在尻六日死發膿血六十日死服太陽有腫癰在足太陽七十日死發膿血者百日死轉太陽太陰脈有腫癰在脛八日死發膿血四百日死足少陽脈有腫癰在脇八日死發膿血六百日死手陽明脈有腫癰在腋淵一歲死發膿血二歲死發腫牢如石走皮中無根瘰癧也久久不消因得他熱乘之時有發者亦為癰也又手心主之脈氣發有癰腫在股脛六日死發膿血六十日死又有癰在腓腸中九日死也

養生方云五月勿食不成核菓及桃棗發癰瘡不爾發寒熱變為黃疸又為泄利又云人汗入諸食中食之則作丁瘡癰瘡等

癰有膿候

此由寒氣搏於肌肉折於血氣結聚乃成癰凡癰經久不復可消者若按之都牢鞞者未有膿也按之半鞞半軟者有膿也又以手掩腫上不熱者為無膿若熱甚者為有膿凡覺有膿宜急破之不爾侵食筋骨也

癰潰後候

此由寒氣客於肌肉折於血氣結聚乃成癰凡破癰潰之後有逆有順其眼白睛青黑而眼小

者一逆也內藥而嘔二逆也傷痛渴甚者三逆也將項中不便者四逆也音嘶色脫者五逆也除此者並為順也此五種皆死候凡發癰疽則熱流入內五藏焦燥者渴而引飲兼多取冷則腸胃受冷而變下利利則腸胃俱虛而冷搏於胃氣逆則變嘔逆氣不通遇冷折之則變噦也

石癰候

石癰者亦是寒氣客於肌肉折於血氣結聚所成其腫結癰實至牢有根核皮相親不甚熱微痛熱時自歇此寒多熱少鞣如石故謂之石癰也久久熱氣乘之乃有膿也

附骨癰腫候

附骨癰亦由體癰熱而當風取涼風冷入於肌肉與熱氣相搏伏結近骨成癰其狀無頭但腫痛而闊其皮薄澤謂之附骨癰也

癰虛熱候

此是寒客於經絡使血氣否澀乃結腫成癰熱氣壅結則血化為膿膿潰癰瘻之後餘熱未盡而血氣已虛其人喩喩卒熱愒愒虛乏故謂之虛熱

癰煩渴候

癰由寒搏於血血澀不通而熱歸之壅結所成熱氣不得宣泄內熏五藏故煩躁而渴凡癰腫熱渴引飲冷氣入腸胃即變下利并變嘔噦所以然者本內虛熱氣逆故嘔嘔而氣逆外冷乘之氣不通故噦也

發癰效嗽候

夫肺主氣候於皮毛氣虛腠理受寒寒客經絡則血否澀熱氣乘之則結成癰也肺氣虛寒寒復乘肺成於寒則成效嗽故發癰而嗽也

癰下利候

此由寒氣客於經絡折於氣血壅結不通結成癰腫發癰而利者由內熱而引飲取冷太過冷入腸胃故令下利也下利不止則變嘔噦所以然者脾與胃合俱象土脾候身之肌肉胃為水穀之海脾虛肌肉受邪胃虛則變下利下利不止則變嘔噦也

發癰大小便不通候

此由寒客於經絡寒搏於血血澀不通壅結成癰藏熱不泄熱入大小腸故大小便不通

發癰內虛心驚候

此由體虛受寒寒客於經絡血脈否澀熱氣蘊積結聚成癰結熱不敗熱氣內迫於心故心虛熱則驚不定也

癰腫久愈汁不絕候

此由寒客於經絡則血澀不通與寒相搏則結成癰腫熱氣乘之則血化為膿膿潰之後熱腫乃散餘寒不盡肌肉未生故有惡液澳汁清而色黃不絕也

癰瘡後重發候